


皇朝實錄



五十一冊

大清世祖體天隆運英睿欽文大德弘功至仁純孝
章皇帝實錄卷之九十八

順治十三年二月

庚戌朔

辛亥

日生半暈旁有兩珥色黃白

甲寅

遣官祭

三皇

乙卯

陞侍講吳偉業為國子監祭酒 補外轉檢討于
朋舉為河南按察司副使分巡睢陳道耿介為福
建按察司副使巡海道左給事中劉捷為山西按
察司副使分巡河東道陞工部主事李本晟為廣
西按察司分事分巡蒼道蔡瓊枝為浙江按察司
僉事分巡紹台道 曩章京拜本引年乞休
上念其勤勞年久命加太子太保以原官致仕 命
浙江金華總兵官左都督馬進寶仍以原銜充蘓
松常鎮提督總兵官左補原任四川永寧總兵官
左都督栢永馥充鎮守陝西臨鞏總兵官 致仕

刑部尚書任濬辛 以八旗屯地被水蝗雹災特
給滿洲蒙古每牛粟米三百石烏真超哈每牛粟
米一百石俾酌給各披甲人役及窮獨者

丙辰

日生暈旁有兩珥色青白 諭禮部曰文武兩途
乃治天下之要務不可偏重今觀八旗各令子弟
專習詩書未有講及武事者殊背我朝以武功混
一天下之意爾部其酌量每牛粟下當讀滿漢書
子弟凡人定為新例具奏凡應試及衙門取用均
在定數之內其定數外讀書子弟各衙門毋得取

用亦不許應試 授和碩額駙耿精忠為一等阿
思哈：番 賜陞見摠兵官胡有陞鞍馬披領靴
帽等物

丁巳

皇太后聖壽節免行朝賀禮 遣大季士奄羅巴哈

察祭

先師孔子 厄魯得部落達賴吳巴什台吉納穆

齊台吉等人入貢馬匹黑狐皮等物賞賚如例

戊午

祭

大社

大稷遣內大臣公愛星阿行礼 諭經畧大學士洪

承疇曰日者逆渠孫可望猖狂犯順遣發偽帥參

統帥多賊夜襲常德爾與寧南靖寇大將軍陳泰

等籌畫有素調度合宜文武將士莫不用命戮力

水陸剿追大獲全勝張捷伐之神氣絕窺伺之狡

謀論叙膚功已領懋賞仍賜特諭彰朕嘉悅之意

爾尚益摠遠畧大展壯猷淨掃寇氛佇膺殊寵欽

哉 陞禮部啟心郎布顏為內翰林弘文院季士

轉右庶子黃机為左庶子兼內翰林秘書院侍讀

陞右諭德王熙為右庶子兼內翰林弘文院侍
講 轉戶科右給事中董馬行礼科右給事中饒宇
祗兵科右納事中張文光俱為本科左給事中刑
科右給事中郭亮為工科左給事中陞工科給事
中史彪古為吏科右給事中禮科給事中王紀為
工科右給事中 遣官諭祭故固山額真陳泰謚
曰忠襄 免湖廣荊州安陸常德武昌黃州等府
屬州縣十二年水災額賦 以軍功加管汀州總
兵官事都督僉事王之綱都督同知汀州付將高
守貴者都督僉事 賜達賴喇嘛貢使拉穆唐巴

等宴

已未

諭禮部曰朝廷用人文武兩途本無異視設有品
級所以辨尊卑如係職任相關尤難凌越前見會
議文武各官相見儀節內一應有司俱與總兵副
將平行甚至有階甫七品亦得抗禮朕思督撫總
鎮與巡按俱奉特命差遣寄原重自難以品
級論其餘州縣等官俱與一品二品武官抗禮殊
屬未妥武臣披堅執銳宣力封疆體貌若輕行事
必多礙滯豈文武並重之意爾部還會同吏兵二

部詳議妥確具奏 以正黃旗滿洲固山阿達哈
哈番達理善巴圖魯為甲喇章京 午刻河南空
中有聲不絕黑氣大如斗光芒如燈墜于寧陵縣
形似石重五十三兩 分江南華亭縣為兩邑舊
邑名華亭新邑名委縣 命鄂尔多斯部落故多
羅郡王額林臣姪巴圖襲爵 以故二等阿思哈
哈番荆古尔代叔之子崇安三等阿思哈 番胡
倫子雅圖一等阿達哈 番兼一拖沙喇哈番刘
仲錦子芳声阿濟拜弟俄退一等阿達哈 番薩
林拜董國俊三等阿達哈 番查泰子寨山拜他

喇布勒哈番兼一拖沙喇哈番温泰祖埽山綽什
什希德子察哈番代張鵬弟肯拜他喇布勒哈番
郭建珍子内淳宋懋芳弟懋德哈尔吉霸子勒克
拖沙哈番薩漢子莫塔陣歿拖沙喇哈番李朝清
叔世運致仕拖沙喇哈番謝佳芳子天祿各襲職
二等阿達哈 番噶祿有罪以其叔之子塞勒
襲職 改河南彰德衛指揮僉事賈慶江西贛州
衛指揮僉事曹尊性為拜他喇布勒哈番江南上
元左衛指揮僉事曹尊嚴自明陝西寧羗衛左所
千戶白和超為拖沙喇哈番尊性故子瑞襲職和

起故子尔康襲職

庚申

免直隸廣平府屬州縣十二年蝗災額賦以正
藍旗滿洲固山蘇喇章京張格為本固山梅勒章
京

辛酉

贈巡撫山西都察院右付都御史祝世昌為兵部
右侍郎謚僖靖廕一子入監讀書以鑲藍旗一
等蝦阿南為擺牙喇甲喇章京陞湖廣衡州副
將馬月正為署都督僉事充鎮守廣西全州總兵

官 贈陣歿副將馬成功二級廕一拖沙喇哈番

草福建提督楊名高賊以海寇陷章州并泉州
屬縣為科臣魏裔介所劾故也 以鑲黃旗蒙古
固山理事官羅世為甲喇章京 予告通政使司
通政使刘尚信卒 以南贛遊擊楊繼管福州城
守副將事

壬戌

命大奈士車克奈士麻勒吉傳諭大學士金之俊
刘正宗傳以漸等曰尔等自今以後毋以引年請
歸為念以朕殊恩即尔等豈忍違朕亦何忍使

尔等告歸誠如此是心必也之後等對曰臣等蒙
皇上隆恩但恨不能報効誠何心恐違
皇上自今以浚斷不敢懷告歸之念也

甲子

諭內三院曰翰林為儲才之地昂甲庶常皆使兼
習滿漢文字將來大用期待原重習滿書者將及
一年近經親試尚多生疎皆因不甯專心工夫怠
惰若不分別懲何以敦勵這次考試陳鼐永胡簡
敬田逢吉党以讓鄧鍾麟馮源濟史大成田種玉
綦汝楫王澤弘等十名俱加賞賚未四名程邑吳

貞度范廷魁韓雄胤等各罰俸三個月以後俱當
精勤策勵無負朕憐：作養諄：教誨至意 陞
鑲白旗烏真超哈固山牛录章京于朝蘭為駐防
杭州甲喇章京

乙丑

江寧巡撫張中元遵詔薦奉隱逸故明進士陸貽
吉于汴下所司議

丙寅

免山西岢嵐州五臺縣十二年霜災額賦

戊辰

上以右春坊右庶子王熙精通滿書以御服貂褂賜之因諭諸豫等七人曰尔等同為習滿書翰林而王熙獨優朕故加賜尔等所學不及亦當自慚今後其益加勤勉毋怠且賜大學士金之後劉正宗傳以漸及王熙漢字表忠錄各一部復以二十六部分賜大學士陳之遴及都察院漢堂上官漢科道官仍諭有諭未及者具名以聞初睿王多尔袞納朝鮮國王宗女為妃罪廢後和碩瑞重親王博洛復納之王薨妃寡居會其父錦林君李愷胤入充貢使于賜宴日泣請其女還國部臣以聞下

議政王貝勒會議許之至是諭朝鮮國王李湜曰朕撫育萬方心存博愛原無分於內外尔國稱藩奕世効順有年果至情相関亦宜体恤陪臣錦林君李愷胤之女孀居邸第骨肉遠離朕憫惻久矣且此女於王既屬宗支又經撫養揆諸親誼王之懸念必深今李愷胤進貢來朝奏請欲寬其女朕夙昔矜憐之意因之愈切特遣太子太保議政大臣哈世屯等送念婦國俾依親自守王其悉之命兩廣總督移駐梧州從經畧洪承疇請也靖南王耿繼茂奏報我師抵南寧逆賊李定國奔往

隆安鎮臣馬雄等擒其偽陽春伯李先芳陣斬偽
叅將杜紀等俘獲無美下所司察叙 偏沅巡撫
袁廓宇疏舉烈婦茶陵州生員譚伯生妻陳氏遇
賊欲逼污之氏義不苟從奪刀自刎鄆縣民羅具
恒妻譚氏被賊執逼污氏厲罵投江不辱而死俱
于例宜旌疏下所司

己巳

賜衍聖公孔興燮及五經博士顏紹緒等宴于禮
部 川陝總督金礪引年乞休

上念其効力多年勤謹夙著命加太子太保以原官

致仕

庚午

諭吏部曰國家考績之典所以辨功能昭勸懲不
可無畫一之例自今以後部院滿官除有事故罪
遇外三年俸滿者三品以上自行具疏勅下尔部
分別議奏四品等官各衙門咨呈尔部分別議奏
朕悉覈其優劣定為勸懲其六年一次會行京察
之例三品以上自陳勅下尔部會同都察院察議
具奏四品等官各衙門咨呈尔部尔部仍會同都
察院察議具奏朕皆親覈優劣以定去留考察之

時加陞者有罪者及有能無能老疾等項詳細開列定為開例永遵行部院滿官今年即始此例考滿又諭曰浙閩重地海警方殷全賴總督重臣和輯文武撫綏軍民庶能同心辦賊克奏膚功佟代久與浙撫不睦屢次疏奏似此督撫參商封疆何賴秦世禎已經調任佟代着回京另用兩廣總督李率恭着加太子太保總督浙閩地方固山額真王國光着以兵部尚書兼都察院右都御史總督兩廣地方爾部即遵諭速行投多羅額駙耿昭忠為一等阿達哈：番 陞正紅旗滿州固山

擺牙喇甲喇章京費雅思哈為本固山叢章京

辛未

賜習滿書詞臣王熙等八人滿字資政要覽及人臣傲心錄各一部 裁江南陝西山西山東湖廣河南六省兵屯道同知 裁寧夏鎮左右前中屯併中衛經歷各一員中衛訓導一員 傳福建鼓鑄 遣廣東道監察御史牟雲龍巡視長芦鹽政先是河西務分司員外郎朱世德缺額一萬三千餘兩會有訐其多徵侵盜諸款者事尚未結其缺額銀兩戶部徑援赦免議吏亦照議覆

上以缺額過多或有情弊命都察院察議至是議革
世德賊下刑部審擬

上因切責部臣如此大弊不行察覈令回奏部臣奏
言因屢次催提人犯議俟到日另結至輕撥恩赦
疎忽何辭得旨尔部考核司官全要秉公詳察未
世德缺額既多又經告發尔等不嚴行確究乃以
人犯到日另給為辭含糊引救代為出脫情弊顯
然這回奏殊屬支飾着議政王貝勒大臣九卿詹
事科道會同從重議處具奏

壬申

風霾

癸酉

以孫肇興為宗人府丞遣梅勒章京傅大受
駐防杭州予故精奇尼哈番佟養性謚勤惠立
碑

甲戌

朝日

日子東郊遣內大臣公愛星阿行礼賜真人張
洪任宴以鑲黃旗滿州固山內大臣趙布泰為
本固山固山額真陞光祿寺理事官吳瑪護為

禮部啓心郎 命福建中路總兵官左都督馬得功仍以原銜充本省提督總兵官補原任蘇州總兵官張承恩為福建左路總兵官

乙亥

賜厄魯得部落貢使卓禮克圖鄂穆布等宴

丙子

上在南院命兩翼內大臣蝦等撰甲冑閱騎射召內院漢大李士翰林及部院尚書以下四品以上各官泛觀畢復陳圍獵以示群臣

上欲賜群臣饌因還御行殿命大學士賚羅巴哈納

李士麻勒吉折庫納等引諸臣入序坐

上召吏部尚書王永吉戶部尚書戴明說等責其輕出朱世德之罪復謂大學士陳之遴曰朕不念尔前罪復行簡用且屢加誠諭尔曾以朕言告人乎抑自思所行亦曾少改乎之遴對曰

皇上教臣：安敢不改特臣才疎李淺罪過多端不能仰報

皇上耳

上曰朕非不知之遴等而用之即若輩朋党之行朕亦深悉但欲資其才故任以職且時時教飭之者

亦冀其改過効忠耳因責都察院左副都御史魏
裔介等曰尔等朕司言責當大破情面乃媿阿緘
默何為也前此明知陳名夏之惡皆畏其威罔敢
摘發今尔等能無自愧乎尔等既有專或乃絕不
一言或雖言而不直朕用尔為言官何益是不如
不用之為愈也復謂諸臣曰今人多結朋党究其
結党之意不過互相為私以求富貴耳若然是有
損而無益也朕常為党人思之既恐党類之不合
復恐聲名之不聞与往來周旋之不至又恐事發
禍隨或被入奉首戚：若此何若為國為君効忠

安受富貴之貴為榮乎正使党与已成反陷誅戮
孰能庇免即如誅陳名夏黜龔鼎孳時其党曾有
一人出而救之或分受其過者乎且多有因而下
石者是名為朋党而實非朋党也審乎此則何不
寢其朋謀而盡力于國家耶朕觀尔等世為國臣
皆有數頃之田數椽之宅衣食亦足自贍夫人有
一衣一食以為生是亦可矣乃猶不足更欲何為
朕觀宋明亡國悉由朋党之故季者莫不以程頤
蘇軾為聖賢程頤蘇軾非党則三党之名何自而
生宋何以至於此以此思之二人誠大罪人也尚

可謂之聖賢乎學者雖於此明知之而不敢置議
豈非大戒歟朕自親政以來以寬為治恒為洪武
誅戮大臣為太過由今以觀太過亦不可也喬介
奏曰自古寬嚴相濟未有過于大寬者用嚴亦宜
上曰朕之所以教尔等者誠視尔等如子欲其改過
遷善尔等嗣後亦當体悉朕心嗣後諸臣其勇於
去不善以勉於善不然則國法具存朕亦不能為
尔等寬也諸臣皆頓首受民永吉等對曰

上諭誠然臣等惟有懼怖夫復何辭但諸臣即有朋
党豈肯自言惟後來事覺

皇上不泛寬貸則咸警惕矣

上曰顧仁之事已然奈何不以為戒乎諸臣皆曰謹
識于心

上又指大學士金之俊曰昨歲之俊疾甚朕遣人圖
其容念彼已老倘不起不復相見故乘其在時命
工繪像盖不勝眷恻如此尔諸臣內亦有衰老者
豈不有歸田休養之念但經朕簡用之人欲皓首
相依不忍遠離也前置陳名夏於法時朕甚憫惻
為之墮淚盖朕所任用之人不能使之改過以致
決裂用是悼嘆耳朕于尔等亦不忍離尔等獨何

心而離朕即使衰老致仕亦宜願養京師常趨闕廷使君臣得時相見以慰慕不亦善乎之後泣對曰諸臣中無才者莫過於臣受

皇上深恩而負罪重者亦莫過於臣但錯誤甚多唯恐廢職非忍欲離

皇上也群臣對曰

皇上眷育如斯臣等斷不敢萌退處之念矣於是賜諸臣茶饌

上退諸臣亦退復命大學士賚羅巴哈納學士麻勒吉折庫訥等傳諭傳漢官曰今規風俗已變人心

習於澆薄於沒幼受業之師畧不致禮惟重視試官馬師至死猶敬夫以理論則自幼教育之師終身敬之為宜若試官朕所遣也何敬之有自浚此等悉宜明示禁革之 陞正紅旗烏真超哈固山牛录章京張八十為甲喇章京 免山東平濮長山等州縣十二年旱灾額賦 轉通政使司右通政山東吳達為左通政陞大理寺丞林啟龍為通政使司右通政山東濟南僉事王登聯為通政使右叅議廣西管按察使司副使趙胤盛為太僕寺卿尚寶司卿宋徵興為太僕寺少卿 陞山

東興屯道副使白秉真為四川按察司按察使山西雁平道副使柯臣為東布政使司叅政督糧道陝西靖遠道副使嚴正矩為江西布政使司叅政分守嶺北道陝西固原道副使張懋勳為江南布政使司叅政蘇樹督糧道兩淮運使梁鳳鳴為江南布政使司叅政分守江寧道兵部郎中楊春茂為陝西按察司副使分巡西寧道工部郎中須兆祉為陝西按察司副使肅州兵備道四川北道余事薛良朋為浙江按司副使分巡金衢兵備道陝西關南道叅議姜應奎為本省按察司副使西

路兵備道 補外轉轉檢討湯斌為陝西按察司副使潼關道盧高為浙江按察司副使驛傳道給事中宋牧民為河南按察司副使汝南兵備道周曾發為山東按察司副使兗西兵巡道晉淑軾為河南按察司副使大名道李文煌為廣東布政使司叅議分守嶺東道 吏科給事中王啓祚言
皇上博覽群書內院諸臣番譯不給但臣聞自古帝王雖致：好學要不過講明修身齊家治國平天下之道而止非若父人之習以誇多鬪靡為長也故卷帙雖極浩繁而閱者無多百家雖有同異而

採者益寡無論其無補治道正以

皇上之身萬幾待理必時加愛養以迓萬疆之休請
自今除四書五經以及資治通鑑貞觀政要大學
衍義閔切治平者時今日講諸臣進講外其餘姑
且緩之精神不泛用則益固智慮不旁分則益專
明良喜起庶績咸熙亦可以優游而坐致隆理矣
報聞

戊寅

都察院左付都御史魏喬介劾大孝士陳之遴當
皇上詰問之明不自言其結黨之私力圖洗滌以成

善類而但云學疎才淺不能報稱其良心之昧已
甚矣如安肅知縣沈令式庸劣不堪之遴諷禮部
尚書胡世安保薦知府令式旋被總督李蔭祖糾
叅植党營私確所據密勿之地恐之遴一日不可
復居也疏入得旨陳之遴身為大臣奏對自當以
實昨經朕面詰止以才疎學淺引咎朦朧支飾全
無誠心殊非大臣事君之道這所叅事情著據實
明白回奏胡世安也着明白回奏 福建右布
政使張尚為都察院左僉都御史 裁直隸永平
府檢校知事各一員府學訓導一員昌樂亭二縣

縣丞各一員 賜達賴喇嘛貢使拉穆詹巴等雕
鞍銀器等物 援剿湖南陝西提督總兵官劉忠
卒

己卯

諭吏部曰大學士馮銓贊襄机務歷有年歲恪慎
勤勞裨益弘多朕近見其齒長力衰難勝繁劇應
解院事用便頤養着加陞太保兼太子太師秘書
大學士禮部尚書致仕念其器識老成問學充裕
可以文章資朕着仍在朕左右以備顧問一切經
史著述編摩皆令專任尔部即傳諭行 甘肅巡

撫周文業考滿加右都御史廕一子入監讀書

以阿達哈、番許世昌為兵部理事官牛永章京
王熙裕為刑部理事官 陞通鎮務關營叅將李

時芳為浙江寧波副將山西汾州營叅將李正芳
為陝西慶陽東協副將 和碩鄭親王濟爾哈朗

庶福金吳努古叔吉素脉德胤者穆格津和碩莊
親王尼堪庶福金昔達礼偏姑俱于王薨時送死

至是遣官致祭 精奇尼哈番佟養性妻查羅氏
夫死守節二十餘年給勅旌表如例 旌表節婦

江西樂平縣奉人段文盛妻崔氏湖口縣民殷繼

夔妻沈氏陝西寧夏衛民金夢暘妻王氏給銀建坊如例 定州縣官見提督及總兵副將儀注州縣官見提督及總兵官用脚色手本顯門外下馬由東角門進至堂簷下向上三躬不跪茶坊待茶提督總兵官俱正坐州縣官傍坐茶畢告辭由西角門出文移州縣用申提督總兵俱用照會不看拜見副將用官銜手本大門外下馬進中門由甬道東邊至堂簷下向上三躬副將答禮後堂待茶至堂口別大門外上馬文移州縣用牒呈副將用照會

九十八終

大清世祖體天隆運英睿欽文大德弘功至仁純孝章皇帝實錄卷之九十九

順治十三年三月

庚辰

朔

上至自南苑幸瀛臺 遣官祭

先農之神 鄖陽撫治胡全才奏報饒營千總朱光祚等擒偽總督李企晟護偽印關防勅劄等物又四川偽總兵胥登營遣偽副將張鳳翼等贖偽勅印詣漢中府誠投章下所司

辛巳

致仕大學士馮銓疏辭新銜優眷不允

壬午

調禮部理事官喀代為光祿寺掌印理事官何米
連為鴻臚寺掌印理事官 太子太保固山額真
祝世胤引年乞休

上以世胤効力有年加少保兼戶部尚書致仕 旌
表烈婦均陽營副將胡廷聘妻許氏為賊所執剔
目斷髮罵賊不屈抱石投河而死白河縣生員李
光啟妻吳氏妾王氏因賊破寨夫與子被執遂携

幼女投崖自殞節婦鎮平縣儒士孟良玉張氏夫
故三日不食誓以必死其姑知氏有遺孕五月力
為勸解氏指腹自矢曰生男則存生女仍從初志
反生男廷詔氏撫孤課讀守節垂四十年後廷詔
母子俱被賊執廷詔乘夜負母脫于難孝養備至
遠近咸稱之俱給銀建坊如例 戶科都給事中
王禎劾大學士陳之遴以前朝被革詞臣來投
闕下不數年間驟擢尚書以至內院不思報効市權
豪恣昨南院賜宴

皇上面加呵斥無不凜：

天威而之遊不思閉閣省罪乃於次日復至靈佑宮
道遙賣弄恣肆無忌真有罪不容誅者乞重加處
分以儆邪污疏上着陳之遴據實回奏不得仍前
支飾以蹈欺蒙之咎

癸未

免湖廣景陵松滋安化黃梅廣濟漢川棗陽寧遠
武昌九縣十二年旱災額賦

甲申

廣東道監察御史焦毓瑞劾禮部尚書胡婁受大
學士陳之遴囑托濫舉之選同鄉安肅知縣沈令

式堪任知府徇私背公法應連坐命之遴世安一
併明白回奏

乙酉

叙征廣東軍功以三等阿思哈、番兼一拖沙喇哈番二等
馬喇為一等阿思哈、番兼一拖沙喇哈番二等
精奇尼哈番安他木為一等精奇尼哈番一等阿
思哈、番兼一拖沙喇哈番纛章京敦拜為二等
精奇尼哈番一等阿達哈、番兼一拖沙喇哈番
鍾吉達為三等阿思哈、番二等阿達哈、番賴
塔為一等阿達哈、番一拖沙喇哈番二等阿達

哈：番李廷邦梅勒章京鄂邦胡尔班巴苗魯署
甲喇章京布代巴圖魯為一等阿達哈：番三等
阿達哈：番伊哈納穆成格索大塞為二等阿達
哈：番加梅勒章京畢理克圖一等阿達哈：番
雅喇拜他喇布勒哈番梅勒章京范達理布蘭岱
龍山何拜牛录章京察思夏拖沙喇哈番壯大碩
塞各一拖沙喇哈番授梅勒章京海爾苗擺牙喇
甲喇章京松俄託署甲喇章京喀賽吳盧喀署章
京布喇善達爾巴哈各一拖沙喇哈番 命燾章
京希爾根蘇克撒哈達蘇噶布什賢噶喇昂邦努

山鄂碩梅勒章京蘇拜俱為內大臣 贈湖廣沅

陵殉難知縣楊來鳳為本省按察司余事廕一子

入監讀書 大孝士陳之遴回奏認罪得旨陳之

遴既知罪戾甚多這回奏又不明言罪狀但請處

分沈令式是否鄉親并未說明既稱其頗有能聲

即係推獎何得以年月本末為詞奏內南北各親

其親各友其友朕所痛惡正在於此平日誠諭何

等嚴切乃不思省改自認姻戚鄉曲往來會晤明

係故違朕諭殊為可恨着吏部嚴察議奏 禮部

言前此清明節享

太庙惟主祭大臣併執事官各致戒三日致祭近查
明朝清明節祀典並不齋戒臣等議得既無祝文
幣帛其主祭官分獻官礼部太常寺執事官宜先
期齋戒一日致祭送之着永為例

丙戌

以正黃旗二等下昂阿為擺牙喇甲喇章京 旌
表節婦四川西充縣民斯為朴妻李氏給銀建坊
如例 遣官祭

歷代帝王 遣房山知縣祭金帝陵 定歲給
宗室內無子承襲孀居福金等銀米例 郡王福金

銀一千五百兩貝勒福金八百兩貝子福金銀五
百兩米照銀給發鎮國公以下奉恩將軍以上夫
人照民間封贈孀婦例視夫俸祿銀米額數量給
一半 持遣厄木齊喇嘛等賞勅存問達賴喇嘛
班禪庫噶遺以珊瑚松石嵌金茶桶玉壺盃等物
遣精奇尼哈番阿喇納等往祭厄魯特部落碩
什汗仍賜賚 予故通政使司通政使管右叅議
事劉尚信祭一壇減半造葬

已丑

清明節祭

太廟遣內大臣公額爾克代青行礼遣官祭

福陵

昭陵

四祖陵 厄魯得部落阿巴賴諾顏察罕台吉馬賴

台吉等貢駝馬等物宴賞如例

辛卯

諭朝鮮國王李滉曰前違犯禁例越境伐木一案已准三法司所擬金忠一申銀山李起男立行處斬蔡元安等應依例分別流徙徒等事在赦前各免罪仍革職因原審招詳殊多朦徇禮部隨奏議得

國王不行確察即據承問各官草率成招具奏理應擬罪一品各官降職四級二品以下各官降職三級職掌刑名刑曹各官革職為民朕念國王歸順已久忠心慎行特准免議王罪其原問議政府六卿議禁府都承旨西司長官等員扶同朦混混法不可貸但未經回鞠恐有冤抑特遣官會同國王再加詳審務期允協又念遣官多員所費必多今止命少保兼太子太保內翰林國史院大學士額色黑賚勅前去同前別遣太子太保議政大臣哈世屯等就便會審確擬應得之罪國王具疏來

奏以憑裁處

癸巳

命燾章京費雅思哈為議政大臣 調宣大總督
兵部左侍郎兼都察院右副都御史總督陝西三
邊四川等處軍務仍令赴京陛見 以正紅旗滿
洲固山梅勒章京胡理布為噶布什賢噶喇昂邦
陞鑲黃旗蒙古固山擺牙喇甲喇章京卜葉西
理正黃旗滿洲固山鄂諾正白旗滿洲固山賴塔
俱為本國山燾章京

甲午

諭戶部曰向來定例除各官外九披甲者皆給月
糧若當出征及有差遣因有行糧其月糧正給一
半朕念披甲人等所有家口全賴月糧養贍况云
征差遣均屬公事方為國用其力乃復使有內顧
之憂深為可憫以後披甲人雖出征差遣其在家
月糧仍准全給 少保兼太子太保刑部尚書刘
昌考滿加少傅兼太子太傅賜羊酒廕一子入監
讀書 定大軍出征班師禮諸王貝勒貝子公大
臣于出師前一日將例賞衣服馬匹弓毯等物於
午門前頒給領賞畢其出征壯大分得撥什庫等

官以上詣

上前面諭行師方畧恩宴及師日出征各官俱穿鮮明袍服候于午門外是日

皇上鹵簿全設其不出征諸王貝勒貝子公俱朝服集太和殿丹陛上文武各官俱朝服集太和殿丹墀內分班序立須給主帥勅印設於太和殿東傍俟

皇上陞殿主帥詣前跪領勅印畢出征官聽鳴贊官贊行三跪九叩頭禮畢仍賜茶遣之待平定地方班師還京之日或王貝勒貝子公遣一員仍量遣

大臣隨同出城迎接該部備茶酒賚往賞到京次日平明出征各官各具鮮明袍服候於午門外

皇上鹵簿全設其未出征諸王貝勒貝子公俱朝服在太和殿丹陛上文武各官俱朝服在太和殿丹墀內分班序立候

皇上陞殿出征官聽鳴贊官贊行三跪九叩頭禮畢賜宴其破敵衝鋒効勞有勳兵丁序坐各官班後與宴 浙江巡撫陳應泰奉命陞見於瀛臺

上諭之曰朕陞轉各官俱以才能簡用爾宜体朕意殫厥清忠愛民盡職勿謂朕不知也應泰奏曰臣

荷

皇上超擢天恩隆重今復蒙召見誨勉實過望外惟有服膺仰戴竭蹶報効而已

乙未

厄魯得部落什虎尔代青等貢駝馬等物宴賚如例 禮部左侍郎薛所蘊考滿加一級廕一子入監讀書 補內陞禮科都給事中孫珀齡為太僕寺卿 陞湖廣按察司按察使管起鳳為福建布政使司右布政使廣西桂平道叅政許文秀為本省按察司按察使湖廣上湖南道叅議方全為陝

西按察司副使靖遠兵糧道江西九江道叅議王天眷為山西按察司付使雁平道戶部郎中毛一勇為陝西布政使司叅議分守閩南道大理寺評事祝文震為江南按察司僉事淮海兵備道 補外轉吏科都給事中朱徽為陝西按察司付使固原兵備道禮科給事中杜澳為浙江布政使司叅議分守溫處道降補江南按察使余應魁為山西按察使付使并陞道 吏部覆左副都御史魏裔介廣東道御史焦毓瑞戶科都給事中王禎各劾陳之遴疏擬革之遴戆永不叙用疏入得旨陳之

遴經朕訓誡不啻再三望其省改過惡盡去偏心以圖報稱乃毫不自悔任意結黨營私大負朕恩本當罷斥示懲念其既已擢用位至大臣不忍即行革職着以原官發盛京地方居住

丙申

遣官致祭固山額真趙二奇精奇尼哈番陳泰賞駐防杭州固山額真趙國祚蟒袍一襲鞍馬一匹裁山西振武衛潞州衛經歷各一員 禮部尚書胡世安田奏保舉知縣沈令式憑學士益臣薦章非因陳之遴推獎疏下部議以失於詳慎罰

俸一年沒之

丁酉

陞都督僉事管福建寧府副將事王進功仍以原銜充隨征福建中路總兵官 以正紅旗滿洲固山法一丹大噶褚哈為蒙古固山梅勒章京遣官祭司機之神 裁洮州岷州莊浪山丹四衛經歷

戊戌

陞正白旗滿州固山擺牙喇甲喇京白爾黑圖為噶布什賢噶喇昂邦正白旗蒙古固山擺牙喇甲

喇章京多克信為本固山梅勒章京 陞湖廣長
沙府同知呂繹如為湖廣按察司僉事兼布政使
司叅議分守下湖南道 以正白旗滿洲固山章
京納哈布為擺牙喇甲喇章京

己亥

諭吏部曰向以官制宜備設立尚寶司衙門滿漢
各官專理用寶事務朕近見各司事簡員多且既
有尚寶監承收又經歷三院看用該司理事付理
卿丞等官似皆可省今暫行裁去各官照品改用
以正黃旗滿洲固山一等蝦巴哈達鑲黃旗滿

洲固山理事官哈什麻俱為擺牙喇甲喇章京

庚子

諭吏部曰朕選庶吉士作養教習已經一年才學
俱堪任用今科道缺員甚多欲將庶吉士改授科
道覘其報効果有忠言說論斯謂不負所學周琬
琬王元曦侯于唐王命岳張松齡刘祚遠孫光祀
嚴沆周宸藻李立伊闢王益明梁鋹着即補科道
其習滿書庶吉士程益吳貞度韓雄胤教習已久
尚未純熟豈朕親加選取之意着以應得職銜外
用 改庶吉士俞鐸為江南道監察御史補服闋

御史李森先為四川道監察御史 內翰林秘書
院大學士車克自陳學識疎淺難任机密請賜罷
斥優答不允

壬寅

賞經畧右標提督張勇貂裘貂帽盔甲弓矢等物

癸卯

諭六部都察院卿寺科道等官曰朝廷立賢無方
不分南北南人有賢不肖北人亦有賢不肖朕近
日處分各官雖多南人皆以事情論非以地方論
爾等比肩事主皆當仰体此意凡有論列須送國

家起見毋岐方隅毋立門戶毋洩己私念毋代人
誣陷毋以風聞輒告毋以小過苛求務期公忠自
矢共還蕩平

甲辰

諭吏部曰佟代回京另用已有諭旨著作速離任
起程來京其總督關防及各項文卷俱要察點明
白一一交与秦世禎暫行管理佟代不必等候新
督交代尔部即遵諭速行 陞鑲紅旗烏真超哈
固山戶部右侍郎柯永綦為本固山固山額真

乙巳

以正白旗滿洲固山二等蝦碩代三等蝦額爾根
俱為擺牙喇牙甲喇章京

丙午

諭禮部曰朕自親政以來夙夜冰兢罔敢怠忽務
求克當

天心光昭

祖德民安物阜蚤底治平乃近者冬雷春雪隕石雨
土所在見告變匪虛生皆朕不德所致朕思

天為天下而立君為君者代

天敷治必使民物咸若治臻上理然後可以仰答春

命今水旱連年民生困苦是朕有負於

上天作君之心一過也

祖宗創闢天下以貽子孫為君者念

祖宗櫛風沐雨之勞必闡揚光大四海雍熙然後能

守

祖宗之成憲朕之天下實本于

太祖

太宗積功累仁所報垂今疆圉未靖徵調頻興是朕
有負於

祖宗付託之心一過也當睿王攝政之時誅降濫賞

屏斥忠良任用奸貪國家錢糧恣意耗費以致百姓嗟怨人：望朕何日親政亟為拯救今經六載雖極力更絃乃猶康艾未奏災祲時聞是朕有負于百姓望治之心一過也用是恐懼靡寧撫躬自責披瀝悃誠冀回災變敬昭告於

上帝

祖宗實因省改尔部作速擇言奏來

諭吏兵二部

曰固山額真朱馬喇等率兵擊敗侵犯廣東之賊李定國雪衡州桂林之忿快慰衆心朕甚嘉悅此番軍功止照他處常例議叙其功次不及定數者

竟不議叙不合伊等軍功着再加酌量議叙具奏其兵丁有於主帥前首先陷陣殺傷敵兵者亦着確查分別奏聞賞賚今入城者少野戰者多此後不可仍照舊例叙功尔二部會同將叙功條例再議具奏定奪 喀尔喀部落索特拔宜尔登諾顏等來貢馬宴賚如例 陞刑科左給事中耶一鶚為吏科都給事中戶科左給事中董篤行為禮科都給事中

丁未

經畧右標提督張勇陞辭

上今內大臣索尼巴哈傳諭曰當今良將如卿者甚少且軍務不可懸度卿至彼地相機而行朕之所
以諄諄誨之誠卿者勿得自負才勇輕視敵人慎之慎
之

戊申

陝西巡撫陳極新疏奉節婦涇陽生員茹尚選妻
王氏年二十二夫死事姑尽孝教子成名苦節三
十八年洋縣生員李廻知妻王氏年十八夫死氏
數欲自盡翁姑泣劝方止守節四十餘年安塞縣
生員馬應龍妻高氏夫死時年甫十八二子俱在

襁褓後俱教養成名守節四十餘年烈婦隴西生
員趙之英妻王氏女定監牧丁王二哥妻金氏夫
死俱自經於柩前孝子秦安縣生員吳瑤母病告
天請以身代母沒後繼母四易俱推誠底豫富平
縣生員田而成母病親嘗藥餌煎香告天請以代
居喪哀毀絕請照例旌表疏下禮部

九十九終

九十九

五

大清世祖體天隆運英睿欽文大德弘弘功至仁純
孝章皇帝實錄卷之一百

順治十三年夏四月

己酉

朔享

太廟遣內大臣公額爾克代青行礼

庚戌

多羅信郡王多尼等會議吏戶二部議朱世德一
案尚書宗室韓岱戴明說侍郎審古里蘇納海白
色純袁懋功卑理克苗海爾苗王弘祚賚羅額爾

得朱之弼啟心即費齊苗澄韓世琦巴格曹邦理事官木成格連都楊雀祥副理事官朱成格為爾吉哈吳努春金光祥郎中馬光裕嚴我公主事張新標等各擬解任削職有差得旨韓岱前衡州失事犯本朝未有之大罪在

太祖

太宗成憲即當處死朕念係宗室仍望其効力姑從寬免且加任用乃不思感奮報効圖蓋前愆反依阿朦蔽負朕大恩本當重處復念宗室姑免着革衙門削太子太保鎮國將軍品級畢理克苗額爾

得俱革衙門革恩詔所得一拜他喇布勒哈番又
一拖沙喇哈番海爾圖革衙門革恩詔所得拜他
喇布勒哈番罰俸一年巴格苗衙門革恩詔所得
一拜他喇布勒哈番寧古里革衙門革恩詔所得
一拜他喇布勒哈番又一拖沙喇哈番蘇納海白
色純各革衙門革恩詔所得一拜他喇布勒哈番
罰俸一年費齊苗衙門革恩詔所得一拜他喇布
勒哈番木成格苗衙門革恩詔所得一拜他喇布
勒哈番罰俸一年連都楊雀祥俱苗衙門革恩詔
所得一拜他喇布勒哈番戴明說降四級調用王

弘祚降三級仍留原任朱之弼袁茂功各降三級
調外用朱成格吳努春金光祖苗澄韓世琦俱留
衙門各罰俸二年馬爾吉哈華衙門曹邦由衙門
罰俸二年嚴我公降二級調外用馬光裕張新標
各降二級調外用餘依議

辛亥

大學士額色黑考福加少傅兼太子太傅賜羊酒
廕一子入監讀書 西廣總督李率奏疏報粵西
投誠偽永安王朱華垓及偽總兵知府土司兵一
百五十餘員繳偽印關防四十四顆下所司議奏

甲寅

日生左右珥赤黃色 河南巡按祖永杰疏報安
陽臨漳磁三州縣烈風嚴霜毀傷麥菜下所司

乙卯

上以災變祭告

南郊

太廟 厄魯得部落額爾得尼台吉喀爾喀部落土
謝圖汗等各遣使貢駝馬宴賞如例

丙辰

賜直省卓異官若在閭寺四十四員朝衣各一襲

大李士金之後考滿加少師兼太子太師賜羊
酒廩一子入監讀書 加四川松潘副將王明德
署都督僉事以剿龍山寨逆番功 予故河南巡
撫兵部尚書吳景道祭葬如例謚愍僖 予殉難
湖廣沅陵縣知縣楊耒鳳祭葬如例 先是固倫
額駙噶爾瑪索訥木斯尚固倫公主卒至是復以
和碩禮親王戴善女妻之改為和碩額駙

丁巳

諭兵部曰朕覽歷年叙錄投誠官丁文冊八年十
一月內荊州鎮臣鄭四維疏報自巫夔來歸于大

海李占春等已經爾部議覆于大海先授都督僉
事賤銜督標効用十一年五月內覆鄖陽撫治胡
全才題疏仍以原銜管鄖襄水師付將事李占春
十年十月內議照于大海例亦授都督僉事賤銜
督標効用朕念于大海等傾心向化帶部下將領
共百員有奇兵丁共四千有奇兵家口人民共一
萬三千有奇馬匹舡隻共八百有奇慕義輸忠深
可嘉尚原宜破格優擢酬其効順誠順爾部前議
殊為未當着速察原報文冊從優另議來奏又念
數年以來各處投誠官丁亦不乏人爾部通行詳

察倘有功多賞薄与此相類者即具奏改正務使
賞必酌功以昭朝廷鼓勵投誠至意 陞甲喇章
京尚好仁為都督僉事充鎮守浙江温州總兵官
予故大理寺卿王邦柱祭葬如例

戊午

大學士審完我考滿加少傅兼太子太傅賜羊酒
廕一子入監讀書 順天府尹閔印引年乞休

許之

庚申

內翰林國史院奉士葉成格都察院左叅政能吐

伊吐巴漢右叅政納都護通政使司通政使喀愷
宗人府啟心郎伊圖以考滿各賜羊酒廕一子入
監讀書

辛酉

勅諭天下朝覲官員曰朕所與共圖治安者惟監
司守令是賴歷年考滿責望爾等甚殷何爾等之
泄：泛事也朕親朕六載于茲皇：勵精用治康
人振飭官方未常寬假今又當大計之年而治猶
未進民猶未安錢糧逋欠盜賊竊發大者仍不法
小者仍不廉致上之德意無由下究民之疾苦無

由上聞非尔等失戒之故欤已嚴飭所司重懲貪
酷餘俱如例降革外姑准尔等仍服原官毋謂塗
飾可以久施毋謂僥倖可以常恃宜各正直存心
清廉持已勉圖後効

皇天自監朝廷自知顯秩厚祿決不尔勒如或藐承
朕言心懷貪詐罔上行私燬政虐民國憲昭：朕
雖欲赦之弗能矣欽哉 叙卹陝西葭州陣歿將
官呂克忠張奇勳王効順李應第哈什噶徐仲武
談進李李雲龍王興基王國臣徐光錦林勇各廕
一拖沙喇哈番 大李士管都察院左都御史成

克鞏疏陳群臣修省之實畧曰迺者天變迭興皆
群臣積愆所致如用人為治平急務而大僚尤甚
今通政使李自芳甘撫周文葉陝西撫陳極新皆
衰老昏庸急當更易至財用困乏已極宜定丈量
編審之期李校冒濫已甚宜嚴考貢入李之額司
李馬戩司樞密封疆失事不得借行察以滋推諉
司寇戩任懲奸棍徒詐害不得寬及坐以長刁風
各處營建工價宜加樽節潰決河工宜杜冒破凡
此數事皆諸臣所當大加振刷以圖實政至臣奉
戩無狀罪愆實多伏祈即賜罷免擇賢弼治庶可

破積習而回天變矣

上是其言仍諭不必求罷 寧南靖寇大將軍固山額真阿丹津等疏官兵大破賊渠姚黃子彝陵之蛇倒退山招撫偽官五十二員兵民一万一千三百餘名俘獲人畜械器無算下所司察叙 浙閩侯代總督佟代上疏自叙在任剿撫功

上以台州失事不知引罪反冒衆人之功切責之族又目其畝恋地方不即交代併下部議處

壬戌

勅諭定遠大將軍世子濟度曰如大兵回京有期

其固守福建地方應設防若干處如何始為堅固設防止用本省綠旗兵丁及隨征二鎮標兵果否足數如有不足還應添烏貞超哈兵丁若干會同該撫及提督各鎮守官商確務使地方無虞明白具疏來奏 勅諭浙閩總督等李率奏曰浙閩重地兵事方殷亟須料理勅書到日爾部即兼程速赴新任不必候王國光面代其兩廣總督關防及各項文卷俱交與巡撫李棲鳳暫行收管 山西太原府陽曲縣地震 改庶吉士劉祚遠為吏科給事中王益朋為本科給事中孫光祀張松齡為

禮科給事中嚴沆為兵科給事中梁鉉為刑科給事中王命岳為工科給事中王元曦為雲南道監察御史侯于唐為貴州道監察御史周季琬為福建道監察御史伊闢為廣西道監察御史李立為山東道監察御史

癸亥

廷試天下貢生趙達等八百九十六人 加定南王下左翼總兵官都督同知馬雄右都督以剽李定國及梧州功也

甲子

諭刑部曰內外官民果有冤抑情節俱當赴各該管衙門告理且恐問官或有徇縱下情不能上達命通政司收達通狀又都察院門前特設登聞鼓以疏冤抑立法甚備近有擅入禁地聲院抹項款捏誣告大干法紀自今以後有不赴應告理衙門陳訴輒抗定制妄行赴告者原詞槩行不准即挈送法司照律從重治罪決不輕饒爾部通行申飭

乙丑

孝端文皇后忌辰遣官祭
昭陵

丙寅

浙江巡撫陳應泰陞辭賜鞍馬一匹朝衣一襲仍命大季士車克傳諭戒勉之

丁卯

陞兵部左侍郎賚羅科爾神為吏部尚書喀爾喀部落喇嘛塔尔多尔濟達爾漢那顏等貢馬宴

賚如例

戊辰

以正藍旗一等下庫祿穆為擺牙喇甲喇章京

己巳

諭吏部曰六部職掌皆關國家大政堂上官須殫心竭力從實圖辦方有裨益圖海原係白身朕破格優擢任用一品不思盡忠報効反辜特恩劉昌着削改任刑部屢晉崇階乃刑獄未清壞法甚眾殊負委任圖海着革去拜他喇布勒哈番太子太保降三級劉昌着削少傅兼太子太傅降三級各照舊辦事恩國泰亦係白身洊陞尚書胡世安優加一品俱在禮部最久乃典禮未當甚多殊負委任恩國泰着革去拜他喇布勒哈番降三級胡世安着削去太子太保降三級各照舊辦事自今以

後如不洗心省改仍蹈前轍決不輕貸 又諭吏部曰據督捕衙門所奏逃人甚多獲者極少設立督捕衙門專為稽察逃人嚴督緝解如何嚴察使逃者必獲如何立法使不敢隱匿全不議及但將逃去及拏獲數目奏聞吳達禮霍達等好生怠玩着議處具奏 調兵部尚書孫廷銓為戶部尚書刑部右侍郎董國祥為吏部右侍郎補原任兵部督捕右侍郎清遠為戶部右侍郎 旌表陝西節婦涇陽縣生員茹尚選妻王氏洋縣生員李迥知妻王氏安塞縣生員馬應龍妻高氏烈婦隴西縣

生員趙之英妻王氏安定監牧丁王二哥妻金氏給銀建坊如例

庚午

陞鑲藍旗烏真超哈固山甲喇章京楊鳳祥為本固山梅勒章京以鑲藍旗一等蝦色冷為擺牙喇甲喇章京正黃旗烏真超哈固山牛录章京周勳為甲喇章京 以故二等阿思哈、番朱萬賜子思惠襲職 贈福建殉難仙遊縣知縣陳有虞為本省按察司僉事廕一子入監讀書 免陝西麟遊縣荒地額賦 貴州道監察御史侯于唐劾樞

臣孫廷銓衰老庸陋難堪司農重任

上以廷銓已經簡用所糾不合切責之 浙江巡撫

秦世禎以造戰舡需材伐米陵樹木得旨前代陵木不許採伐原有明禁雖經奏請何得不候旨徑行着議處其伐通樹木仍照數裁補

辛未

賜兩廣總督王國光蟒衣鞍馬等物 遣廣西道

監察御史白尚登巡視兩淮鹽課廣東道監察御史焦毓瑞視河東鹽政山西道監察御史石維崑巡視兩浙鹽課 都察院左副都御史魏裔介言

天下民生所以不安者以雲貴有孫可望海上有鄭成功也孫寇所借兵力洞蠻為多今欲招徠遠人但以宜以給新命不必追其前朝舊勅至鄭逆出汲海上三十餘年我欲搗其巢穴恐水師少而未練宜擇知兵大臣沿海防禦坐而困之庶蕩平有期矣下所司議

壬申

陸吏部左侍郎梁清標為兵部尚書 禮部尚書

恩國秦等言冊封

中宮乞照例舉行其妃嬪尚未冊封今建造乾清宮

坤寧宮及景仁等官殿將及告竣未便久虛應倣
古典禮冊封妃嬪得旨冊封妃嬪典禮

皇太后在上當候旨行何當輒為奏請昨因尔部職
掌未盡故加飭責處分尔等應洗心省改圖辦要
務乃反欲迎合朕意以此事輕率妄陳大臣事君
之道果如是否殊不合理着嚴勅行 吏科都給
事中郭一鄂以圖治貴務實政條上五事一曰勤
于講學為行政之大本自古帝王莫不孜孜好學
皇上去年選翰林為講官迄今一載未見舉行講官
殆為虛設請于政事之暇命諸臣進講工夫勿間

則聰明開而智慮廣矣一曰進退人才為國家之
首務近見吏部推陞京官借內外互轉之

上傳而賢否不分降處各官任一己喜怒之私而輕
重懸殊請嚴加申飭以後用人必當乎公論處分
務歸於畫一則黜陟明而公道彰矣一曰開源節流
為生財之大道現今兵餉缺額四百四十餘萬諸
臣數次會議未見畫一長策請勅下戶部並內外
各衙門凡有錢糧者澈底清查每歲將各色款項
彙輯成書令滿漢諸臣共喻共曉毋使朦溷侵肥
則公帑充而財用足矣一曰崇尚節儉為帝王之

美德天地生財只有此數不在國只在民今當上下匱乏之際惟有斟酌損益之法凡燒造織造興作齋醮等費宜槩為停止或有營繕不可已者事前公同估計毋使冒破事後按實開銷毋使耗侵則不傷財不害民矣一日安撫流移為目前之急務近見河南臨漳等處烈風嚴霜麥菜枯槁真從未有奇災已奉有察明速奏之旨竊恐往返宣報必稽時日百姓畏目前催徵四驚逃散請勅下督撫按凡各處申報災荒文到日即行設法安撫庶民飢不致逃散本固而邦寧矣得旨奏內勤講

學知道了其推陞京堂賢否不明所指何人着據實奏聞降處各官輕重懸殊著吏部明白回奏

癸酉

以鑲蓋旗烏真超哈固山理事官馬汝鯨為甲喇章京陞山西督糧道叅政王來用為湖廣按察司按察使陝西關南道副使劉景雲為廣西布政使司叅政分守桂平道陝西分守河西道叅議張文炳為湖廣按察司付使分巡上湖南道補外轉編修沈荃為河南按察司付使分巡大梁道給事中武攀龍為湖廣布政使司叅議分守上湖南道

戶部郎中王鏐為江西布政使司叅議分守饒南九江道

甲戌

辰刻日生暈青赤黃色 固山額真藍拜以老病乞休

上念其効力有年命加太子太保解任

乙亥

陞理事盧崇峻為吏部侍郎都察院左付都御史張朝璘為戶部侍郎 贈故河南巡撫兵部尚書吳景道太子太保大理寺卿王邦桂工部右侍郎

各廕一子入監讀書 贈建福防守仙遊縣陣歿

署遊擊王嘉禎為遊擊廕一拖沙喇哈番 戶部

以江南採買布疋粗疋粗惡議令入覲官帶回另

買得旨發回另買恐致累民其解到布疋爾部酌

議價直另用 雲南道監察御史王元曦言朝廷

莫重于用人用人莫重于卿貳近見會推先講捱

資次查帶罰有無有資格雖合以曾經帶罰而不

得推遷亦有未經帶罰以資格尚淺而不得推者

故每遇會推常苦乏人請特勅部臣以後會推大

典但論才品不拘資格才苟可用不妨破格推舉

如不可用雖係應推不得濫列至于帶罰諸臣才
品有可任用者請彰使過之仁許其並列仍將致
罰之由開註

上覽庶朝無廢官而官無濫等矣下吏部議

丙子

予故工部侍郎管通政使事張紹先祭葬如例

丁丑

降補原任左都御史龔鼎孳為上林苑監蓄育署
署丞 吏部覆管尚書事王永吉銓政疏以後考
選司官遇各省缺出于外取俸深有荐及卓異推

知於內取中行評博及五部主事未經考選者一
同選試從之 兵科給事中嚴沆請專責成以圖
治安疏曰竊見庶務因循叢脞皆彼此諉卸內外
規望議多而職業曠文移費而時日稽自今以後
大政宜有專責務將職掌先為詳列可否然後決
之廷議斷自

睿裁至諸臣條議時宜亦須虛公酌量參求利病以
期有用不得槩泥成見止以無庸再議沮進言之
心而踵瞻顧之習庶政事立而議論清可不勞而
臻上理矣

上是其言下吏部都察院詳議平南王尚可喜疏
報克復揭陽普澄海三縣

戊寅

燾章京法喀生違痘禁并迫其弟婦不令為夫服
喪革職以故一等阿達哈、番特庫弟舒書恩
特世巴、番魯子額爾弼二等阿達哈、番為克查
齊蘭叔格齊阿納達叔葉庫納朱彩弟輝三等阿
達哈、為克查子馬克薩黃憲章子道政汪成功
子世臣黑爾素子舍爾、番閔運泰子明、番勤慎子
兀黑納拜他喇布勒哈、番兼一拖沙喇哈、番辛國

寶叔祖守孝阿哈尼堪子覺和、安拖沙喇哈、番蘇
海子俄爾寨致仕一等阿達哈、番祈塔特卓禮
克圖子魏門陶自安子繼稷、劉撫民、兄子國、胄三
等阿達哈、番左友晉子國弼、拖沙喇哈、番馬成
功子思寶、各襲職贈陣歿蘇喇章京孟有才為
拖沙喇哈、番以其子亮宗襲職

